

A RUBA ANSE COURANT

Diario

pa Aruba

DRINK
Coca-Cola

The Beer That
Made Milwaukee Famous

ANJA 22

DIASABRA 24 DI DECEMBER 1960

Nr. 3923

Awe mainta Gobierno Hulandes a ofrece su retiro na La Reina

DEN HAAG, 23 dec. — Awe mainta prome ministro De Quay a ofrece la Reina retiro di su gabinete na palacio Soestdijk. E gabinete tabata na poder pa un anja, 7 luna y 3 dia y e tabata e prome gobierno Hulandes di despues di guerra, cu no tabatin un ministro socialista. Dia cu e gabinete a worde instala, observadornan a pronostica cu lo e no dura masha, pero el a logra di mantene su mes te awor, gracias na varios concesion reciproco dje partidnan na poder.

Segun ley hulandes, e ministranan cu a presenta nan retiro, mester ocupa nan puesto te cu nan worde reemplaza. Pa e motibu ey gabinete lo reuni awe y prome ministro De Quay lo duna S.M. La Reina informacion tocante e decisionnan cu a worde toma. Gabinete di La Reina ta informa: Awe S.M. La Reina a ricibi e ministro presidente profesor dr. J. E. De Quay na palacio Soestdijk. Profesor De Quay a informa La Reina, cu e ministranan di volkshuisvesting y bouwrijverheid y di financiën y staatssecretaris Roelvink ta pidi S.M. nan retiro, y cu e otro ministranan ta considera esey como motibu pa pidi nan retiro tambe. La Reina a acepta tur

e peticionnan di retiro pa estudio y el a invita e ministranan y secretarionan di estado pa sigui haci entre tantu tur loke nan ta considera necesario na beneficio di reinado. Gabinete di La Reina a informa despues: Su Mahestad La Reina a ricibi awe tardi pa un conferencia na palacio Soestdijk despues di otro: Mr. J. A. Jonkman, presidente di eerste kamer di Staten Generaal; mr. L. G. Kortenhorst, presidente di tweede kamer di Staten Generaal y profesor dr. L. J. M. Beel, vicepresidente di Raad van State.

Un reunion ruidoso di camara Belga

BUSSEL, 23 december. — E reunion di camara belga di representanten tabata tanto ruidoso awe, cu e presidente a hanja su mes obliga di interumpi e debate dos biaha. Algun ora despues ainda nan no a logra di cuminsa discuti e plan di gobierno belga pa un economia di austeridad. Apoiá pa e wèlga cu ta loca entre 300 y 400 mil herde awor, y ta casi completamente general, e fraccion socialista ta sigui un lucha, pa obliga gobierno di presenta su retiro.

Awe tardi prome ministro Eyskens tabatin su segundo discusion den 24 ora cu e presidente dje federacion sindical cristian, kende a ofrece un ultimatum, cual nan a bisa lo caduca awe nochí 12'or, y den cual ta bisa cu mester efectua hopi revision importante den e proyecto di gobierno. Den parlamento nan ta expresa nan mes cu pesimismo tocante situacion actual na Belgica. Si Eyskens acepta e revisionnan, lo e perde apoyo dje ala derecho dje mayoria di voto den gobierno. Y lo ta difícil p'e tambe, pa goberna cu e oposicion dje sindicatonan cristian y e ala izquierdista dje cristian democraatin.

F A T U M — Tel.: 1845
Pa tur bo aseguranon

Un oferta Ruso na Bolivia

LA PAZ, 23 december. — E parlamentariu rusu cu ta bishita capital di Bolivia actualmente, a ofrece Bolivia 150 million dollar. E oferta a worde haci pa e chef di mision Nicolai Rodionov durante un audiencia cu e presidente boliviano Paz Estenssoro. E prestamo aki lo worde duna na Bolivia sin ningun condicion di interes. E pago bek dje prestamo lo worde haci a termino largo.

VIAJE MATRIMONIAL DI REY BOUDEWIJN NO TA SER INTERRUPTI

BRUSSEL, 23 december. — E biahe matrimonial di rey Boudewijn na Spanja lo no worde interumpi pa motibu dje situacion cu e wèlgan na Belgica a ocasiona, asina circulacion den corte belga a declara awe, despues di rumor segun e rey belga lo bai Brussel bek e sagan aki. Rey Boudewijn, kende a casa cu reina Fabiola dia 15 di december, ta na un propiedad parti sur di Cordoba, Spanja, actualmente.

Condenacion di welgan na Belgica

MECHELEN, 23 dec. — Mgr. Van Roey, arzobispo di Mechelen y cardenal di Belgica a condena e wèlgan na Belgica y a jama nan „desordenado y sin motibu“. Observadornan ta di opinion cu e palabranan aki dje cardenal lo fortifica e sindicatonan Cristian den nan decision di no tumar parti na e wèlgan. Lo e palabranan aki por provoca protestan for dje oposicion Socialista tambe.

Experfonan riba terreno di salbamentu di vapor

NORFOLK, 23 december. — 4 experfonan riba terreno di salbamentu di vapor, a bai abordo dje restonan dje „Pine Ridge“, e tanker mericano cu a kibra na dos dilanti di costa meri-

cano diarazon. 8 persona, entre cual e capitán, ta perdi ainda y ta probable cu nan a muri. Helicopteronan a tumar over 28 nabegante for di abordo dje bapor di guerra mericano „Valley Forge“.

E prome machinist, John R. Chart, a pasa ajera nochí abordo dje parti patras dje bapor, pa mantene e presionnanan dje compaña naviero. Ta probable cu e resto dje bapor lo worde hala pa Norfolk, Virginia.

Malacca lo manda 120 solda mas Congo

KUAPA LUMPUR, 23 december. — Gobierno dje Federacion di Malacca lo manda 120 solda mas Congo, pa nan sirbi bao di comando di Nacionan Uni. Tin 613 militar di Malacca na Congo cuba.

SAVANETA TIN E MUCHA MUHERNAN DI MAS BUNITA!

ORANJESTAD. — Den e edicion „Aruba“ di december, un boletin cu hopi noticia tocante Aruba, cu Hank Meyer Ass. na Miami Beach ta distribui regularmente den tur parti na Merca, pa redaccionnan di corant, oficina di turista, hotelnan etc., nos a lesa un articulo tocante e werkverschaffing na Aruba, gen cual ta para cu na Aruba nan ta trahando un playa tambe na Savaneta. Nan ta skirbi: „Specialmente pa e turistanan masculino esaki ta un atraccion masha grandi, pasobra nan ta bisa cu na Savaneta ta biba e mucha muhernan di mas bunita di Aruba“.

Bon pa Hank Meyer cu awor e Mericanonan tambe ta na altura di esei!



Despues di un ausencia basta largo minister J.E. Yrausquin a bolbe Aruba. Na vliegvelo tabata presente pa dunele bon-bini Gezaghchber F.J.C. Bealjon entre otro.


HISTORIA DI PASCU DEN PROGRAMA C.C.A.

ORANJESTAD. — Den e programa di C.C.A. cu ta worde transmiti via Radio Kelkboom, mayan anochi di quierfor pa diez'or, señor Westra te lo declara e historia di Pasco na lagles „A Christmas Carol“, di Charles Dickens.

BAPORNAN DI TURISTA DURANTE JANUARI Y FEBRUARI

ORANJESTAD. — Durante e dos peme lunanan di anja venidero siguiente bapornan di turista lo bishita Aruba:

12 di Januari: „Santa Rosa“ — Grace Line Inc.
19 di Januari: „Santa Paula“ — Grace Line Inc.
26 di Januari: „Santa Rosa“ — Grace Line Inc.
2 di Februari: „Santa Paula“ — Grace Line Inc.
7 di Februari: „Stella Polaris“ — Clipper Line
9 di Februari: „Santa Rosa“ — Grace Line Inc.
16 di Februari: „Santa Paula“ — Grace Line Inc.
19 di Februari: „Statendam“ — Holland-Amerika Lijn
26 di Februari: „Empress of England“ — Canadian Pacific SS.
2 di Maart: „Santa Paula“ — Grace Line Inc.



KABEL DI BAPOR A KIBRA Y CORTA PIA DI MARI-NERO LIMPI AFO

ORANJESTAD. — Ora cu „Santa Paula“ di Grace Line tabata mara den haf di Oranjestad anteyera, a socede un accidente grave. E marinero J. Loukouski, naci na Merca, cu tabata asisti cu slek e kabel a perde su pia di bato di su rudia, ora cu e kabel a corti y bini dal contra dje. E pida pia a bai cai den laman. Inmediatamente nan a transporta e victima pa hospital.

Biento tabata duro y corriente tabata fuerte, cual probablemente ta motibu cu e kabel a kibra.

REGALO DI LAGO COMMUNITY COUNCIL

ORANJESTAD. — Lago Community Council a regala fl. 300,— na directiva di „Onze Vloot“. Esaki ta specialmente pa celebracion di Pasco pa e mariniernan.

Comemento

Segundo dia di Pasco, anochi pa siet'or, e mariniernan di Kazerne na Savaneta lo tene nan kersmaaltijd. Tambe na e comemento aki lo participa e famianan di e mariniernan cu ta biba na Aruba. Punto sobresaliente dje anchi aki s'ei duna lo ta momento cu e president di „Onze Vloot“ na Aruba, señor O.A. Bijl lo presenta un otro regalo mas pa e mariniernan.

CULPABLE A CONFESA

ORANJESTAD. — A continuacion di e notitia dje matutino cu euchi den Village, cual tabata publica den nos edicion di ayera, nos kier informa cu mientras tañi e persona cu polisnan a arresta ayera „nochí ues“, un tal L.B. a confesa, di ta autor dje crimen. Ta prome bes trobe despues di hopi tempo na Aruba, cu a cal un victima cu euchi.

KAN INC



Algun idea pa un REGALO DI PASCU TA BONBINI

PA CABALLERO:

Holoshi Zodiac	f. 57.50
Holoshi Universal	„ 78.—
Reenchi cu monogram	„ 28.50
Reenchi cu onyx	„ 22.50
Pipa pa sigaria	„ 1.50
Estuche pa sigaria	„ 2.—
Lighter	„ 3.75
Flesopener	„ 4.—
Bunita corki pa botter	„ 5.50
Lighter di mesa	„ 14.—
Presspapier	„ 5.—
Syphone	„ 24.—
Cocktailshaker	„ 16.—

PA DAMA:

Zeefta pa thee	f. 4.50
Schep pa bolo	„ 3.95
Vaas chikito	„ 3.95
Estuche pa poeioe	„ 4.—
Estuche pa prenda	„ 4.—
Set pa toilet	„ 21.50
Holoshi Zodiac	„ 58.—
Holoshi Universal	„ 85.—
Reenchi di oro of un reenchi cu un bunita steenchi, manera diamante preto, aquamarina, opal brillante, onyx amethyst di f 19.50 pa'riba.	

PA TUR:

Briefopener	f. 2.—
Bladwijzer	„ 1.50
Penja	„ 2.—
Llavero cu cadena	„ 2.50
Holoshi pa saco	„ 5.75
Blocnote	„ 9.75
Valentina pa identidad	„ 14.50
Spiel chikito pa cartera	„ 2.—
Estuche di manicure	„ 5.50
Borstspeld di perla	„ 1.50
Hangers Zodiac	
Armband di oro 37.50 pa 'riba	
Wekker chikito di bicha	11.50



Un delegacion di Katanga, cu tabata na Brussel den prome siman dje luna aki, a asisti na un comenento na honor di president Moise Tshombe. Na e ocasion aki Tshombe a worde condecora pa e ministro di asuntunan na Afrika, Conde d'Asspremont van Lynden.

Sra. Maalderink-Vos di Aruba a ricibi masha hopi regalo na SCHIPHOL

siendo di un mijon y mei bishitante

SCHIPHOL, 23 dec. — Senjora T. Maalderink-Vos di Aruba, kende ta cu verlof na Hulanda, ayera mainta huntu cu su dos jiuinan, su mama y suegro biba na Deventer a bishita Schiphol pa contra su esposo cu ta jegando cu verlof for di Aruba, den un solo biaha a ricibi practicamente tur regalo cu e companianan di aviacion tin costumbr di duna na sorto di ocasionnan asina.

Prome cu ne 1.499.999 persona a pasa den e entrada principal di Schiphol anto sra. Maalderink a cumpli net 1.5 mijon.

Esei tabata un momento solemne, pasobra tabata un record nobo. Durante 1958 e aeropuerto na Amsterdam a ricibi 1.262.440 bishitante y ayera pasa esaki tabata 1.346.487. Es-hende ta paga diez placa pa entrada, lo cual ta produci p'e aeropuerto den termino di tres anja casi un mijon florin (Ned. Gld.).

Prome tabata mr. H.A. Kagenaar, kende na number di directiva, entrega na sra. Maalderink un mauceto grandi di fruta. Despues nan a bai den restaurant „De Wjle Wereld“ na e aeropuerto, na unda representante di diferente compania di aviacion tabata para na fila pa entrega sra. Maalderink otro regalazon: manera lighter di e'garia, notitieboekjes y kalenders, glas, un holoshi, diferente buki, ballpoints, y un model DC-8.





BON PASCU
y
FELIZ ANJA 1961
na tur nos distinguido clientenan y
pueblo en general
ORANJESTAD STORE
(R. CROES)

DE GROOTSTE EXPORTEUR IN MIAMI NODIGT U UIT

Een bezoek te brengen aan zijn magazijnen en toonzaal, waar U de meest uitgebreide en laatste modellen vindt op het gebied van sportkleding, lakens, handdoeken, stoffen en vele andere artikelen.

Uw bezoek zal zeer op prijs worden gesteld.

CROMER WHOLESALE

55 N.E. 7th ST., MIAMI 4, FLA., U.S.A.

50 jaar ervaring staan tot Uw dienst.

AMSTEL
BIER



DE ANTILLIAANSE BROUWERIJ N.V.

wenst relaties, clienten, vrienden en bekenden een Prettig Kerstfeest en een Voorspoedig Nieuwjaar.

* Winnaar GOUDEN MEDAILLE (hoogste onderscheiding) GRAND PRIX DE PARIS 1960.



Rey de Copas

EL REY

del TRAGO

ta desea su consumidornan y
publico en general

UN BON PASCU


WILHELMINA STRAAT NO. 47
Oranjestad, Aruba
Tel. 1266



Listrando si nan tin cuchu

(Di nos Corr. na Corsow)
WILLEMSTAD. — Ayera noch na mas o menos 9'or reherchenan a drenta den diferente barnan y lista tur hende si nan tin hama cerca nan. Principalmente nan a hanja hopi cuchu y sanbecchi.

Riba e portretnan nos ta hanja un bon bista dje llistramento. Especialmente durante e dianan di fiesta aki, e harnan ey ta masha peligroso pa hende cu ta bishita cantina y barnan



Israel ta trahando un reactor di 24.000 kilowatt

JERUSALEM. 23 december. — Actualmente Israel ta trahando un reactor di 24.000 kilowatt den desierto Negev pa experimentacion atomico na beneficio di agricultura, industria y servicion sanitario. E reactor aki lo ta ela pa uso aki 3'anja, asina prome ministro Ben Gurion di Israel a declara awe den parlamento di su pais. El a acentua e hecho cu e reactor ta worde traha pa motibunan completamente pacifico.

Prins Phuma ta considera su mes ainda hefe di Laos

PNOM PENH. 23 december. — Prins Suvanna Phuma di Laos, kende ta keda na Camboya actualmente, ta considera su mes como cabezante di gobierno di Laos te ainda. El a manda un telegrama pa e gobierno na Vien-

Haile Selassie den conferencia di prensa

ADDIS ABEBA. 23 december. — Emperador Haile Selassie di Etiopia a bisa ayera noch na un conferencia di prensa, cu e ta dispuesto na tene cuenta cu tur sugestion pa mehora destino dje pais. Observadornan ta interpreta su palabranan como un promesa di un orientacion politico nobo. Circulonan autoriza na Addis Abeba ta di opinion cu por dura varios siman of hasta luna, prome cu nan hanja sabi cual funcionacion civil y militar tabata k'er tumu parti pa e rebeldehanan diahuebs, ora cu tabata parea cu e rebeldehanan lo gana.

CENTENARIO DI VDA. DE COUBERTIN

GINEBRA. 23 dec. — E ciudad dje fundador dje weganan Olimpico, Baronesa Pierre de Coubertin, a celebra su di 100 cumpleaños awe. E ta bira na Montreux, Suiza. Na su honor tabatin un ceremonia awe, durante cual representantnan dje comision Olimpico internacional a felicita sra. De Coubertin y a elogia memoria y trabao di pierre de Coubertin, tata dje weganan Olimpico moderno.

Dennis, de Schrik van de Buurt



„Prettige Kerstfeest Ruff nu ga ik meneer Wilson wakker maken!”

„Bon Pascu Ruff awor mi ta bai lanta meneer Wilson foi sonjo!”

Tercer Mensahe di Pascu di Papa Johannes XXIII

VATICANO. 23 dec. — Papa Johannes 23 a tene su tercer mensahe di pascu pa radio, desde cu el a bira Papa. El a pidi e lidernan di enter mundo „pa actua na un manera honrado den e dianan aki di peliger general.”

E noticianan tocante e tempestadnan mas grave, cu ta tuma lugan na cierto parti di nos mundo y cu no ta solamente un amestaza pa orden social, pero tambe — y esey ta mas importante — ta pone hopi alma jena cu inseguridad, cu ta mas tantu swak cu nan ta malu, a pone cu nos ta dirigi algun palabra dje mensahe di Pascu aki na esnan, cu ta carga e responsabilidad mas altu den bida publico y riba terreno social. Nos ta invita nan, den nomber di Cristu, pa buta nan man na nan pecho y actua na un manera honrado den e dianan aki di terror general.

Ta trata aki di un caso di interes comun y tur diferencia entre hendenan cu puesto altu y esnan cu puesto menor mester desaparece awor den un esfuerzo comun na beneficio di tur, asina Papa a bisa.

Papa a haci un apelacion na lidernan di estado y lidernan civil, na mayornan y maestronan di school, na tur cu ta traha cu cabez, man of corazon y na esnan, cu ta responsable pa opinion publico, cual ta worde forma of deforma pa prensa, radio y television, cine y reunionnan y exposicionnan di tur caracter.

Tur catolico, asina Papa a bisa, mester luna testimonio di berdad. No tuma parti nunca na ningun falsificacion di berdad. Tene terror di esey. No haci uso dje regalonan alumbante aki di Dios, manera luz, zoni y color y nan aplicacionnan den formanan tecnico y artistico, manera tipografia, periodismo y television, pa deforma e tendencia natural di humanidad pa berdad. Pasobra e edificio di dignidad y grandeza humano a worde construi riba e base di berdad, asina Papa a bisa.

Papa a basa su discurso riba un parti di hijel dje apostel Johannes: „Y nos a mira su gloria: di dje, e unico yiu homber dje Tata, jen di gracia y berdad.”



LOS CAMPEONES DEL RITMO „CONJUNTO ESTRELLAS DEL CARIBE”, bao di direccion di Sr. Edgard Supriano i cu su representante David Manuel, ta desea publico en general i su simpaticadornan en particular Feliz Pascu i Un bon Anja Nobo yen di muziek.

HBU HBU

Ook voor u: de HBU

HOLLANDSCHE BANK-UNIE N.V.

WILLEMSTAD • TELEFOON 11340
ORANJESTAD • TELEFOON 1208
SAN NICOLAS • TELEFOON 5090

REY DE COPAS
ta sigi regala

Sr. DOMINICO RAS di Cofia Lodo No. 7, SANTA CRUZ, consumidor di e miho y miho RUM REY DE COPAS a hanja tres rey. REY DE COPAS a regalé un carton di RUM REY DE COPAS.



SUNAIID
E NOMBRE TA PAPIA
PA SU MES.

H. VALVERDE

Masseur graduado

Nuevo tratamiento científico para eliminar las arrugas de la cara y del cuerpo. Desarrollo, reducción y modelación del cuerpo femenino.

Ora 9—12 a.m.

Tel: 2351.

Oficina: Wilhelminastraat 99

"VENEZUELA GRAFICA"
obtenible na UNION STORE
Mainstreet — San Nicolas

CINZANO

ACUMULADOR
WILHELM HAGEN
pa tur uso.
Boto — auto — motocicleta.
GENERAL STORE
di C. L. Juliao.
Oranjestraat 26

AUSTIN
seven

10 FEET LONG, PARKS
IN 14-FOOT GAPS
incredible!

MEET IT AT

WARENHUIS v. d. REE
LA VICTORIA

Distributors

MERCEDES-BENZ
pa personanan cu sabi kiko
ta un BON auto.

KUSTER'S TRADING CO.
Oranjestad

Expresion di Gromyko den Sovietica supremo

MOSCU, 23 dec. — E ministro Ruso di asuntonan exterior, Gromyko, a bisa awe den Sovietico supremo den un discurso tocante politiek exterior Ruso, cu un sesion extraordinario di Nacionnan Uni, cu participacion dje cabezantenan di estado-nan of gobiernonan, lo ta masha util, pa jega na un acuerdo tocante desarme. Gromyko a bisa cu gobiernu Ruso ta lamen-ta, cu e relacionnan cu Merca a bira peor den ultimo tempu.

Awor cu Kennedy ta bini na poder, gobiernu Ruso ta spera cu e relacionnan lo bira manera den tempu di Roosevelt.

Gromyko ta di opinion cu a jega e momento, cu tur esfuerzo di ocasiona un guerra mundial mester fracasa. Politiek Ruso ta grefca na prevencion di un guerra mundial nobo.

Gromyko a bisa cu Rusia no ta desea solamente relacion normal, pero tambe relacionnan bon y amistoso cu Merca. E emporacion den e relacionnan ta falta dje gobiernu di Eisenhower-Nixon, asina el a bisa. Gromyko a menciona e vulo di espionaje dje U-2 y e incidente cu e RB-47.

E ministro a lamenta cu e basenan

mericano na Alemania occidental ta erese dia pa dia. El a menciona tambe establecimiento di basenan aleman na Francia, Italia, Holanda y e inten-cion pa establece tal basenan na Inglaterra y otro paisnan.

Gobiernu Ruso ta di acuerdo cu presidente Nkrumah di Ghana, cu Merca no mester tin rakel, arma atomico, experimento atomico ni base estranhero.

Gromyko e bisa cu e actividad di Hammarskjöld y su simpatizadornan na Congo ta colonialista. El a bisa cu ta bira tempu pa bula orden den e organizacion di Nacionnan Uni. El a bisa cu e problema mas grandi cu tin Rusia y occidente separa for di otro ta e pacto di paz cu Alemania.

E discurso di Gromyko a durar 15 minuut. Prome ministro Khrushchev tambe a scucha e discurso.

Clijf de volkstelling na Rusia di anja 1959

E cifranan dje volkstelling na Rusia di 1959 ta indica cu na Januari 1959 Rusia tabatin un exercito di 3.623.000 solda. Desde esey Rusia a aproba un ley, segun cual cherico ta worde reduci cu 1.2 millon solda. Di e 208.827.000 habitantenan di

Rusia 99.130.000 of 47.5 por ciento tabatin un profesion. E cantidad di obrero na e fincanan colectivo tabata 32.380.000 of 15.5 por ciento dje poblacion Ruso. Den e ultimo 20 anja-nan aki e porcentaje di agricultornan a worde reduci for di 44.9 te 31.4 por ciento dje habitantenan cu un profesion. Den e periodo aki e per-centage di certificadonan a aumenta cu casi 300, esta for di 112.000 te 316-000.

Opinion di gobiernu Ruso

Gobiernu Ruso ta di opinion cu ta necesario pa convoca un conferencia dje paisnan, cu ta tuma parti na e conferencia na Ginebra tocante In-dochina na 1954, pa studia situacion actual na Rusia y studia e posibil-dadnan pa renova e actividatnan dje comision di control internacional na e pais ey.

E agencia di prensa Tass, cu a a-nuncia e noticia aki a informa, cu e conferencia aki a worde pidi pa Was-sili Kuznetsov, e viceministro Ruso di asuntonan exterior, den un nota diri-gi na Inglaterra.

Suplica di Rusia na Inglaterra

Rusia a pidi Inglaterra pa jega reu-ni e paisnan cu a reuni na Ginebra na 1954 pa discuti futuro di Indo-china, pa discuti situacion na Laos, asina e agencia Ruso di noticia Tass a informa. Moscu ta pidi colaboracion di Inglaterra tambe, pa e comision in-ternacional bai Laos atrobe.

53 VICTIMA DEN DES-GRACIA DI AVION NA MUENCHEN

MUENCHEN, 23 dec. — E des-gracia di avion cu a pasa na Muen-chen dia Sabra siman pasa, a ocasiona su di 53 victima. Anne From di 40 anja a muri dje heridanan cu el a hanja den e tram, riba cual e avion a cai. Aina tin 8 hende herida den hos-pital di Muenchen, pero nan salud ta "satisfactorio". Un dje hombenan, cu a muri den e desgracia, no a worde identifica ainda.

Delegacion economico Cubano a sali Warschau

WARSAU, 23 dec. — Despues di un bishita oficial di 6 dia na Polonia, e delegacion economico Cubano bai di direccion di Hector Rodriguez Llom-parti, vice-ministro di asuntonan exterior di Cuba, a sali for di Warschau awe, sin bisa unda e la bai. Parce cu e delegacion a bai Hungria.

Durante su bishita na Polonia Llom-parti a tene discusion cu varios perso-nalidad Polaco, entre cual e vice-presidentenan dje congreso Polaco, pa asuntonan economico y cu e ministro Polaco pa comercio exterior.

E delegacion Cubano a firma un acuerdo comercial cu Polonia pa e periodo 1961—1965. Segun e acuerdo aki ambos pais lo tene un intercambio di mercancia na 1961 na balor di 22 millon dollar.

Un avion di tipo L.23 desapareci

ATENAS, 23 dec. — Un avion di tipo L.23 di e mision militar Mericano na Atenas a worde considera como desapareci desde ajera tardi. E avion, cu tabatin 2 pilot abordo, a asai ajera for dje ciudad Italiano Pisa pa bai na su base na e capital Griego. Parce cu el a hanja su mes den un tormento fuerte.

Avionnan di Alemania, Italia y Gre-cia ta busca e avion. Nan ta kere cu el a cai den laman Ionico.

A VISO

E brug di Spaans Lagoen lo keda habri pa tur trafico majan, Diasabra dia 24 di december, 10.00'or di mainta.

Automobilistanan ta ser avisa pa baha nan velo-cidad ora nan pasa riba e brug, pa motibo cu e santo por causa slipmento.

N. SCHUIT

Hefe di D.O.W.

Cumpleanjos



Tambe Filomena G. Suarez ta di fiesta awe y ricibiendo felicitacion v.o. di su mama Anna, su tata Maximin, rumannan Nennisto, Ines, y Norma, Pampi, su wela, tanta, primonan, sobrinanan, Ithamar, Astrid, Trinidad y Edsel Seneleer un Corsow.

Awe ta celebrando su anja e lichen-chito Alfredo Vrolijk, pa cual nombro e ta ricibi felicitacion di su mama Sin-tia, su tata Johan, rumann Colleta, Gloria, Helena, Mercedes, Stra, Josefina, Flo-rencia, Ismael, Andres, Antonia, wela Eliza, primonan y amigonan di 2de klas di Sint Jozefschool na Sta. Cruz.

Luchó Cecilia tambe ta haci anja y ta ser recorda pa su tata Avelino, su mama Juliana, rumann Wim, wela-nan, omonan, madrina Reta, tanta Chita Evertsz.

Hopi pabien ta bai pa Charles Mar-chena cu a haci anja awe, di su tata Augusto, su mama Onchita, rumann Chichi, Tida, Chinita, Lio, Michi, Maria, Roby, sobrinanan Lena, Mire-a, cunyanan Gilberto Thiel y Simeon Geerman.

Tur surto di hilo pa borda "DE WEEFSTOEL"

Dia 25 ta recorda su fecha natal srta. Manuel'la Henriquez, su mama y tata, rumannan Modesta, Domini-co, Pedro, Filomena, Hyacintho, Sim-plicio, Mario, Mariano y Rolando, su pepe Eni Henriquez, amigonan y de-mas familia Henriquez.

4 Anja di feliz existencia a celebra dia di Pascu, e hobencito Jozef Joa-quin Werleman. Pabien ta bini di su mayornan Aura y Pablo, rumann Lindo, welo y wela, tanta y omonan, primonan Mito, Imelda, Freddy y Theofido, su madrina Laur, Werle-man, padrino Estanislauw Angela, demas familia, amigonan Chichia, Segundo, Ina, Lucito, Lucia, Monica Maduro.

Un bon regalo di Pascu Un caha di habon perfu-ma cu su colonia di BOLDOOT.

Su mama Demete, su tata Nicome-dus, rumannan Alda Wever, Susita Donati, Maria Schwengle, Gerardo Soferno, Silvina Geerman, su welo y sobrinonan, tanta y omonan, primo-nan, cunyanan, amigonan di huishoud-school na San Nicolas, di juffrouw Theresia Maduro ta feliciteer Pascua-lja Geerman, kende a haci anja dia 26.

Hopi anja di bida pa senyor Maril Gomez, ta e desao di su mama, su rumannan Juancito y Jozef, di Rafael, Maria Maduro, Juanita, Marco, Chi-do na Corsow, Margaretha, Marco-lina, Jacobo, Reineta, Francisca, Ada, di Vilma y Edwin Damian y demas familia Maduro y Gomez.

Tambe Stevanita Wever, a festoha su anja y a ricibi pabien di su esposo Hose, jioenan, Benito, Edwin, Lena, Swinda, Roberto, su tata, familia Paesch, de Cuba, Wever, Wernet, su pepe Linchi Paesch y demas familia.

Dia 27 venidero e simpatica pareha senyor Franchot Scoop di Corsow y senjorita Emelina Yarzagaray ta ricibi nan bendicion nupcial den Iglesia di Santa Filomena na Paradera, pa cual motibo nos ta anticipa nos felicitacion y desea e pareha aki un eter-na luna di miel.

Toch n' ta pa mi motibu ni pa bin busca mi tampoco e ta bini Bath, pero pa Isabella y esei bo tambe sa mes bon cu mi, George!"

"Si mi por tabata asina sigur di esei..." e hombre a bisa sombrio, mientras el a larga su mannan eai slap na su costia."

Y awor lady Saltash a interrumpi nan conversacion diciendo:

"Y segun ami, hoso ningun di dos no sa nada di enter e asunto. Mi que-rido yu, no excita bo asina tantu pro-me cu bo esposo a yega Bath. Y lo-que ta bo, Senyor Wrotham, bo mester compania nos hiba Kurzaal, pa-sobra si mi orecnan no ta nenga mi nan servicio, mi ta oire cu e shers a bin para dilanti caba!"

George a muestra cu tabata p'e un honor di por a haci e favor ey y a compor-te mes, calmo cu un carner, te ora cu mr. Tarleton a aparece riba escenario. E no tabata gusta di mira com esagui tabata trata Hero mane-ra un amiga di masha confianza cine.

Ora cu el a ripara despues cu e tercio aqni tabata hopi mas bleu cu-ne y su amiguan, el a calma su mes un poco.

(E la sigui)

Agenda

ARUBAANSE COURANT
diariamente cu excepcion di
diadomingo

Edita pa:
N.V. ARUBAANSE DRUKKERIJ- EN
UITGEVER- EN PUBLICITEITS MIA
Nassaustraat 85 - Orstad, Aruba N.A.

Subscripcion 73.— paga adelanta
Edicion suelta 30 ct.

Telefon:
1116 Directiva y anuncio
1118 Redaccion y subscripcion
Directeur-hoofdrecaction: D. Wolff

Impresion na N.V. Drukkerij "De Stad"
Edicion suelta obtenible na 20 cent na:
Union Store, San Nicolas, Boekhandel
Mariska, Oranjestad - y Cabana Shop,
Aruba Caribbean Hotel.

CINE

DIASABRA 24 di december
DE VEER 8.30 "Sea of Sand" a.l.
RIALTO 8.00 n.m. "Son of Sinbad" 18 l.
PRINCIPAL 8.00 "The Sealed Cargo" a.l.
AURORA 7.30 "Ten seconds to Hell" 18 l.
SAVANETA 7.30 "Captain Horatio Horn-blower" a.l.

DIADOMINGO 25 di december
DE VEER 8.30 "Sea of Sand" a.l.
matinee "The five pennies" a.l.
RIALTO 8.00 n.m. "Son of Sinbad" 18 l.
matinee 3.45 "The five pennies" a.l.
PRINCIPAL 8.00 "La Bella Durmiente" a.l.
matinee 6.00 "Cartoons" a.l.
AURORA 8.00 "The Trap" 18 l.
matinee 6.00 "Daniel Boone Trail Blazer" a.l.
SAVANETA 8.00 "Captain Horatio Horn-blower" a.l.
matinee 6.30 "Crash Landing" a.l.

DIALUNA 26 di december
DE VEER 8.30 "Sea of Sand" a.l.
RIALTO 8.00 n.m. "Son of Sinbad" 18 l.
PRINCIPAL 8.00 "La Bella Durmiente" a.l.
AURORA 7.30 "The Desperado" 18 l.
SAVANETA 7.30 "Kings go forth" 18 l.
SAVANETA 7.30 "The big seal" 18 l.

DIAMARS 27 di december
DE VEER 8.30 "Sea of Sand" a.l.
RIALTO 8.00 n.m. "Son of Sinbad" 18 l.
PRINCIPAL 8.00 "La Bella Durmiente" a.l.
AURORA 7.30 "The Desperado" 18 l.
SAVANETA 7.30 "Kings go forth" 18 l.

WIT ZEEL KRUIS
Zr. Ewald - Zr. Perpetua tel. 2200

BOTICA DI WARDA
Oranjestad: BOTICA ARUBA, tel. 1080
San Nicolas: SAN LUCAS, tel. 3119.

PROTESTANTSE KERKDIENSTEN

24 December:
Oranjestad: 11.30 'or n.m. (Savankerk),
San Nicolas: 10.00 n.m. (Savankerk).

25 December:
Oranjestad: 9.00'or v.m.
Piedra Plat: 10.30 v.m.
San Nicolas: 9.00'or v.m. (Kerk Broederges-meente).

ROOMS-KATHOLIEKE KERKDIENSTEN

25 December:
Oranjestad: H. Franciscus Kerk:
12.00 uur 's nachts: Plechtige H. Mis, 10.00 v.m. (Jes), 6.00 uur v.m. 6.45 v.m., 7.30 uur v.m. (cañta), 8.30 uur v.m., 9.00 uur v.m. (cañta), 7.00 uur n.m.

26 December:
Oranjestad: H. Franciscus Kerk:
6.30 uur v.m., 7.30 v.m., 8.30 uur v.m. (in-terten: Collectanten college v.d. Parochie), 3.00 p.m.

25 December:
San Nicolas: H. Theresia Kerk: 12'or anochi, 6.15 'or a.m., 7.30 a.m., 8.30 a.m., 3.00 p.m.

26 December:
H. Theresia Kerk: 6.30 a.m., 7.30 a.m., 8.30 a.m.

POSTSLUITINGEN Zaterdag

Curacao 8.30 & 16.00, EUROPA 15.30, Miami 10.00 & 15.30, New York 10.00 & 15.30, Surinam 15.30, Caracas 15.30, Maracaibo 15.30, Antigua 15.30, Bonaire 16.00, Canada 15.30, Mexico 15.30, Puerto Rico 15.30, Rep. Dominicana 15.30, St. Kitts 16.00, St. Maarten 16.00, Haiti 15.30, Guadeloupe 15.30, Jamaica 15.30.

Bo ta curupia nias agradable y mas economico na
KEES GROCERY N.V.
Tel: 1079 — 1918
J. G. Emanstraat 30

Hollandse Bankelbakkerij

Bolo fresco y koeki na 100 gr.
tur dia den stock.
Tel. 2798 - Oranjestad
Tel. 5478 - San Nicolas.

NOW...all the
paint colors your
heart desires



SHERWIN-WILLIAMS
COLOR
MEER
IT'S TRULY MAGIC!

Ask for Information
ARUBA TRADING CO.
TEL. 1930

Un Solicitud Matrimonial

pa: Tuyuchi

No. 86

"Oh no. Bo no mester jama mi a-sina, pasobra aqni mi ta conoci como miss Wantage. Jami mi na bo manera d' customer trobe, pasobra ta hopi tem pasa cu mi no a tende un hende jama mi na mi propio nomber".

Y bisando asina Hero su santir a pasa riba su bida di antes.

Y awor Wrotham a dal su man un knipi y a punte:

"Parce ta bai bon cu bo aqni?"

"Como no. Lady Saltash ta trata mi cu masha curinjo. Pero te ainda bo n' b'sa mi ta quico b'a bin haci aqni."

"Pushi, tur esagui ta asina dificil pa splica. Mi n' sa quico mi mester a haci. Gil tabata na Melfon y Ferdy no ta ni un ni otro".

"Basta cu a pasa nada cu Sherry?"

Hero a puntra ansioso.

"No, esei no. Pero e ta na caminda pa e luga aqni".

Dipiente su wonan tabata brilla di felicidad y su labionan a bira corra manera kræft. Y si tabata pos'ble anto Wrotham lo a treece Sherry unvez cerea dje.

Y unbez el a puntra George:

"El a bini aqni pa e bin busca mi?"

Obligatoriamente e mester a sagudi cabez. Un ratu tabata reina un silen-cio te ora cu esei a ser interrumpi pa Hero mes.

"No? Oh, mi ta comprende tur eos caba. S'embargo... ta stranjo cu Sherry ta bini Bath, pasobra e luga aqni e ta hanja terrible laf".

"Bo ta mira", George a bisa un po-co rudo pa seonde su sintimentunan: "Su mama a hinka den su cabez pa e bin busca curacion aqni y e no a

stop di maha te ora cu Sherry alafin a dicidi di companje bini te aqni. E ta bini tambe cu miss Milborne!"

Damas, laga traha bo bis-ti di anochi na Cinderella!

"E ta bon cu... Oh!" Hero a bi-sa manera paraliza. "Y ta p'esei Sherry ta bini... Si, awor mi ta com-prende tur cos. Ta masha huijoso di bo, George di b'n avisa mi na tempo tur esagui".

El a cohe un di Hero su mannan. "Pushi, mi n' ta mira ta paquico te-ne esagui scondi pa bo. Pero en reali-dad, mi n' ta quere cu e tin absolutamente nada cu Isabella. E no a larga comprende nada di esei tampoco ul-timo temponan. Aunque ey, ora cu mi ta tende di su viaje asina repentino, mi tambe a maldici unbez mescos cu bo, pero ora cu m'a haci un observa-cion riba esei, el a bira masha di ma-lu y el a avisa mi cu mi no mester hubida nunca, cu ta un hombre casa e ta. El a signa mi cu ningun momen-to no ta su intencion di muestra Isabella ningun elase di carinjo. M'a o-frece pa mi ocupa su luga y bini a-

qui tambe na su luga. Pero esei el a nenga mi redondamente y..."

"Tasina gustosamente lo e quier a companja nan?" Hero a puntra ver-diet. George a vaela. "Mi n' sa esei precisamente. En todo caso go taba-tin manera pa tene Sherry na London. S'embargo por ta masha bon berdad cu ta e mama pretendi cu el a pone su ley asina y e ta un muhe masha vervelend".

"Mi n' ta quere cu Sherry lo a se-cha na su mama si acaso e mes no tabata desea". Hero a bisa. "Bo ta mi-ra. George mi conoce. Sherry hopi bon caba. Y mi su naturalmente cu ainda lady Sheringham no a hubda e sonjo di por mira un dila su yiu hombre dranta estado matrimonial cu Isabella".

"Esei ta berdad sigur. Pero mi n' ta quere cu Sherry mes tambe ta de-sa esei. Bo ta mira Pushi, si esei ta-bata berdad, anto lo e no a bin pone mi na altura di su idea, solamente pa e bin bini mi cu miss Milborne ta bai Bath. Y el a bisa mi mes o me-nos di carinjoan cu miss Milborne ta muestra pa mi te ainda... pasobra

bo mester sa cu el a rechaza solicitud matrimonial di Severn cune".

"Oh, George, mi tasina conten-tu di tende esei". Hero a bisa impulsivo. "Si e otro tambe ta berdad. Pero si acaso bo tin razon den bo preten-cion, anto ta pa haci quico Sherry a bini Bath?"

"Mi n' sa. Te a'nda leu asina e no a configi mi. Despues cu b'a eaba di bandone el a queda hopi dia mescos cu hende loco. Ni un solo dia e no a queda cas y el a biaha rond mundo na e hanja bo. Solamente e ultimo temponan aqni el a cuminsa ta sali un poco, manera... Pero esei mi tam-be a haci y bo mester quere mi cu mi n' goza nada di mira Sherry asina verdiet. Pero ta quico n' mester haci. Pushi? Bo ta quere anto cu mi mester a bise cu bo n' taqni? Mi mester reconose bo dilanti cu lo mi ta con-tentu cu porfin lo mi por trate trobe cu sinceridad sin enganjo. Pasobra m'a bise cu mi no na unda bo ta".

"No, George. Por fabor no haci e-sei. Si e cuminsa na hubida mi... si lo e no la contenitu di tende cu mi taqni... anto lo mi no por soporta esei. Quizas lo e a obliga e ora ei di tuma mi trobe cerea dje. Esta... Pero ta qui loco nos ta papiando?"

CISCO KID

1. "Mi ta kere cu nan a pone Diabolo y Loco den e stal grandi alla". 2. "Nos cabai nan ta bon". 3. "Si y ata e monturan alla". 4. "Awor nos ta bai, no?". 5. "No, laga nos bai 'prison' back".



JUAN EL INTREPIDO

1. "Den skoer, Durbar. Awor podise den e tempel aki nan lo no hanja nos". 2. "Pafor di e tempel otro perseguidor ta oflata". 3. "Mientras cu pa den ora Durbar ta sinti e riger cu su oflato e ta bira nervioso". 4. "Pa favor Durbar... no haci boroto. Si e hombernan ey tende bo, nos ta perdi".



DICK TRACY

1. "Ki derecho boso dos tin di... Keda keto. Fresh. Mithaw lo trata e asunto aki". 2. "Mira aki, nos a mira ora e la bandida e baby y nos a mira bo na wiel di e auto. Nos a scribi bo number di auto y awor nos kier placa". 3. "Tene e palabrnan pa bo mes. Burpio Upp. Loke unico cu bo tin cu haci ta paga". 4. "Withal, mi ta kere cu nan ta hanja duro pa enfrenta e realidad".



RIP KIRBY

1. "Lo bo sinja stima e caleta di tesoro aki...". 2. "Ya mi ta cuminsa gusta e lugar ey... pero miho nos drenta prome". 3. "Mi ta bai confirma e noticia, señor. E ta correcto". 4. "Ah". 5. "E visitante a tuma lugar di e esun morto y e la condena su mes".



EL PRECIO DEL TRIUNFO

1. "Sra. Durant, ami sa cierto secreto di e tata di Nora...". 2. "Mi no a bisa Nora prome, pasobra mi a pensa cu lo e emocionaba demasiado". 3. "Asina ta, señora. Mi ta risca y pone e responsabilidad na unda e ta correspondi... den bo persona".



EL DIARIO DE UNA VIDA

1. "Bo obra ta comico y abo ta dispuesto na risca con tal cu bo protagonize, pero... e otronan awor?". 2. "E ta masha komiek. Chito. E no tin un pida serio den henter e parti ey... pero...". 3. "Mi a hari te cu mi no por mas...". 4. "Ata Chito, ey. E juicio ta unanime".



PEPITA

1. "Lo no ta mas facil si bo kta e valvula prome?". 2. "Bo no ta usando e herment bon". 3. "SEÑORA". 4. "Mi no tabata haci nada".



E plan maestro Sovietico pa domina mundo

E plan maestro Sovietico no ta asina inflexible cu e ta ignora e arma di conveniencia. Ora un partida comunista local ta descubri cu lo ta probechoso pa nan, nan lo uni cu otro partida i pretende cu el a bandida su intento revolucionario pa e bienestar comun. Cu bon gana nan ta uni den movimiento popular cu socialista, nacionalista, radical, católico of anti-colonialista.

Si e movimiento popular ta cohe rienda di gobierno, anto comunista ta den puesto importante pa influencia su asuntunan of cohe control completamente.

Mme. Suzanne Labia ta comenta tocante progreso irresistible di e parti di e plan maestro: "Movimiento popular mihor, conoci pa motibu cu nan a aumenta e forza di e partida comunista of a yuda gana dominio ta esnan di 1936 y di e Resistencia na Francia; movimiento pupular despues di e gera na Italia, Ceylon, Indonesia y Iraq; esun cu a yuda Ho Chi Minh cohe rienda na Indo-China na 1954; y e dos hacie na China na 1924 y 1937, local pa sirbi pa habri e caminda pa Mao Tsetung cohe dominio; esun cu a entrega Guatemala na fiel siguidor di e-partido comunista; y tur esnan na Polonia, Rumania, Bulgaria, Hungría y Checoslovaquia, cualnan a yuda haci satelite sovietico di nan nacion y victima sangriento di e demoracionan cu a drenta e movimiento popular cu bon fe".

Plan Militar y Científico

Trinta anja pasa comunista a proclama: "Gera total entre comunismo y capitalismo ta inevitable. Pero, naturalmente, nos no ta asina fuerte cu nos por ataca, awor. Nos oportunidad lo yega den 20 of 30 anja". Sea cu Kremlin lo risca un gera total awor of no ta depende, segun algun, na e balanza di poder, of e "balanza di terror", segun e expresion. E plan sovietico ta stipula pa nan dedica un ruble di cada cuatro na proposito militar. Solda ruso a ser moderniza completamente caba. Flota di barcu di gera di Rusia ta e mas grandi di mundo fuera di esun di America; su forza submarino ta esun mas grandi di mundo. Su formidable forza aerea ta principalmente di aeroplano bringador cu forza di djet. Nan ta depende masha riba raket pa span lamar y influencia e balanza di poder critico.

Logramento científico tin un relacion peca cu e programa militar. Cu mala gana nacion democratico a aclama e sacramento di portret di otro banda di luna cu Rusia a haci como "un ejemplo brillante di lanzamiento di raket y di precision tecnico". Comunistas tin e aparato atomico mas grandi di mundo y tambe e observatorio astronomico mas grandi. Hom-

Informacion di Nehru den parlamento

NEW DELHI, 23 dec. — Gobierno Indio lo paga e ultimo donjonan di catibu na India, si nan a duna catibunan libertad, asina prome ministro Nehru di India a informa den parlamento.

Tribunan primitivo na parti noreste di pais, cerca e frontera cu Tibet, tin "algun 100 catibu" ainda. Slavitud ta existi anjanan desde hopi siglo y e catibunan presente hopi biaha sa ta jiu di mayornan cu a nace den slavitud. Den gueranan entre tribunan tambe nan sa tene e enemigonan como catibu.

Gobierno a destina un suma di como Naf 9.375 y anja aki, pa combati slavitud. Funcionarianan di gobierno na e provincianan noreste a hanja autoridad pa gasta un suma di 300 rupia pa cumpra libertad di catibunan. Slavitud ta prohibi segun constitucion di India, pero e proces di liberacion lo tuma hopi tempu, asina Nehru a bisa. "Hopi biaha e catibunan no ta dispuesto na bandida nan status sigur y protega pa bida un bida independiente".

Si e movimiento popular ta cohe rienda di gobierno, anto comunista ta den puesto importante pa influencia su asuntunan of cohe control completamente.

Pa mantene y aumenta e velocidad di logramento científico e plan maestro ta acentuá educacion científico. Awor aki Rusia ta produci científico y homber tecnico mas lihe cu America y nan ta lagando America atras. John Gunther den su buki Inside Russia Today (Rusia interno awe) a expresa e miedo di nacion democratico masha bon: "E idea di e semejanza di Rusia despues di dos o tres generacion di probecho aumentando den educacion ta tolondra hende".

Nieuwe film van Ferrer

Marie Astor en Robert Sterling in hoofdrollen

Profesia di Yugoslavia cerca embahada Frances

BELGRADO, 23 dec. — Yugoslavia a protesta oralmente cerca embahada Frances na Belgrado, contra e detencion reciente di 3 bapor marchante Yugoslavo den Mediterraneo, pa baporan Frances, asina e portavoz dje ministerio Yugoslavo di asuntunan exterior a anuncia awe.

HOROSCOOP

di awe

ARIESNAN

11 Maart — 21 April

TAURISNAN

21 April — 21 Mei

Petrone & Croes

Dakota - Tel. 1712-1639
PA TUR SORTO DI MATERIAL
PA VERF

GERMINANAN

22 Mei — 21 juni

CANCERNAN

12 Juni — 23 Juli

LEONAN

24 Juli — 23 Augustu

VIRGONAN

24 Augustu — 23 September

LIBRANAN

24 September — 23 October

SCORPIONAN

24 October — 22 November

SAGITARIUSNAN

23 November — 21 December

CAPRICORNIUSNAN

22 December — 20 Januari

ACUARIUSNAN

21 Januari — 19 Februar

PISCES

20 Februar — 20 Maart



DESGRACIA DI TREIN NA ALEMANIA A COSTA BIDA DI 10 PERSONA. — Na Springe den Nider-Saksen a perde nan bida na ocasion dje accidente di trein seis trahador di ferrocarril Italiano i cuater Aleman, ora cu dos trein a dal contra otro. E portret aqui ta munstra actividad dje salbadornan mei mei di un ravage conturbante.